

北洋官報

目錄

宮門抄
 奏議◎外務部奏軍機處兼行章京照案請獎摺△民政部奏奉移差派隊沿途保護請撥款摺△直督奏雜項奏銷摺△文奏北洋陸軍收支各款摺△又奏甄別道員片△又奏州縣送引片△江督端奏徐屬舉辦清鄉片
 公禮◎督憲札一件△寧河縣稟一件△懷來縣稟一件
 △山西諮議局籌辦處照會一件
 文告五則△電報五則△新聞十二則
 彙編◎農務總局試驗場成績表
 戊申官報目錄

本日增刊戊申官報目錄一頁
 本局第九十一期法政學報已出

宮門抄

二月十三日 民政部 都察院 正黃旗值日 善豫續假十日 增崇續假五日 文熙假滿請安

召見軍機 都察院遞封奏一件

本日本已刻

皇上升 乾清宮德國使臣雷克司 二等叅贊伯爵安錫德 漢文叅贊夏禮輔 繙譯官郝愛禮 隨員伯爵

阿爾克 隨員伯爵余維林 文案官寶布利扣 繙譯生柏漢恩 繙譯生華根納 文案官巴爾 京津

衛隊統帶遊擊巴福司 使館衛隊管帶遊擊樓恩 武隨員陶伯 官醫士高佩 比國使臣柯霓雅 叅

贊德勒高尼 武隨員郎白爾 副領事方媿例 頭等繙譯胡伊業 覲見呈遞國書

交旨

二月十三日 軍機大臣欽奉

諭旨 孝欽顯皇后几筵前行四滿月禮由 監國攝政王代詣行禮欽此

諭旨 德宗景皇帝几筵前行四滿月禮由 監國攝政王代詣行禮欽此

諭旨都察院奏代遞裁缺大理寺少卿李擢英等請將太康縣重修明臣張維世張鏐專祠仍復祀典由地方官春秋致祭並將其裔孫張祥麒等附祀呈一件著照所請該部知道欽此

二月初十日經內閣奏 派王大臣驗放分發直隸補用道吳家修山西試用道王爲榦安徽試用道張其淦陝西試用直隸州知州楊德安四川補用知州李臨陽直隸試用知州黃獻琛四川試用知州賀良成北河試用通判魏錕湖北試用通判楊學烜廣東試用通判廖景林貴州試用通判汪蔭孫安徽試用直隸州州同龔建勳山西補用知縣蔡光岳河南補用知縣程錫麒陝西補用知縣周紹乾直隸試用知縣王承先朱炳麟河南試用知縣黃滄沅陝西試用知縣王繼鼎甘肅試用知縣張鑄程學深福建試用知縣文楷馮聯元湖北試用知縣韓世錫張勤益廣東試用知縣黃國儒陳佩實貴州試用知縣黃華山東試用知縣唐恩溥湖南試用知縣曾廣瀛直隸試用知縣譚愷浙江試用知縣華秉鈞雲南試用布庫大使胡俊兩淮試用鹽大使黃渙亨蕭洪鈞雲南試用鹽大使王煥雲溫翰相廣東試用鹽大使俞炳樞福建試用鹽大使王齊曾兩淮試用鹽大使王慶洛山東試用鹽大使高道忻雲南試用鹽道庫大使李繼釗改選班分發廣東補用知縣林鈞直隸試用知縣王桐齡河南補用知縣于益源安徽補用知縣朱有澤均堪以照例發往擬補吏部考功司主事汪述祖堪以准其補授奏留吏部學習筆帖式熊賢堪以准其留部十一日覆奏奉 旨依議欽此

奏議錄要

外務部奏軍機處兼行章京照案請獎摺

奏爲軍機處兼行章京照案請獎恭摺仰祈 聖鑒事竊查光緒二十七年六月總理衙門改爲外務部經政務處會同吏部議奏所有原派軍機章京各員擬請照舊兼行等因嗣經臣部查照總理衙門向章歷屆兩年奏請將軍機處兼行章京獎叙一次歷經奉 旨允准在案茲查有光緒三十二年十二月保獎後又屆兩年保獎之期所有軍機處滿漢章京文徵等十員自先後兼臣部行走以來遇有交辦事件悉心經理均屬妥慎向無遺誤臣等謹查照成案將該員等酌擬獎叙繕具清單恭呈 御覽仰懇 天恩俯准照擬給獎如蒙 俞允卽由臣部咨行吏部遵照註冊所有軍機處兼行章京照案請獎緣由理合恭摺具陳伏乞 皇上聖鑒 奏宣統元年二月十一日奉 硃批依議欽此

謹將擬獎軍機處兼行章京各員繕單恭呈 御覽 花翎三品章京文徵擬請 賞加二品銜 花翎領班三品章京英秀擬請 賞加二品銜 花翎二品銜幫領班四品章京文年擬請 交部從優議叙 四品章

京郎中榮元擬請

賞加三品銜

領班三品章京易貞擬請

賞加二品銜

領班三品章京劉毅孫擬請

作為到班期滿 章京郎中孫筍擬請

賞加三品銜

章京員外郎劉慶篤擬請

賞加三品銜

前領

班三品章京現任浙江鹽運使王慶平

前領班三品章京現任吉林提學使曹廣楨

以上二員均擬請

賞

加二品銜 丁憂軍機領班三品章京華世奎擬請俟服闋後

賞加二品銜

民政部奏奉移要差派遣消防隊沿途守護請撥款項摺

奏為奉移要差派遣消防隊沿途守護請撥款項以資辦公恭摺仰祈

聖鑒事竊於光緒三十四年十二月

二十一日內閣奉

上諭明年三月十二日兼祧

皇考德宗景皇帝梓宮奉移

行典禮並一切事宜著各該衙門及直隸總督敬謹預備欽此欽遵到部臣等竊維奉移要差關係甚重沿途恭備

蘆殿現擬分派消防隊攜帶激筒按站守護以昭慎重惟據該隊稟稱此項要差應輪派兩中隊隨同前往

所有本隊用款如置辦行軍帳房長兵靴鞋車輛馬匹川資等項加以本隊消防器具半多舊敝亟須添置頭號西

洋新式激筒兩架合計以上各項力求撙節須銀五萬兩方足敷用等語臣等詳加察核尙屬實情擬請 飭下

度支部撥給銀五萬兩一俟差竣即飭該隊專案據實報銷臣等為慎重要差起見是否有當謹恭摺具 奏伏乞

皇上聖鑒謹 奏宣統二年二月初三日奉 旨依議欽此

直隸總督楊奏查明雜項奏銷摺

奏為查明光緒三十三年分雜項奏銷恭摺仰祈

聖鑒事竊直隸光緒二十三年分雜項奏銷除大興宛平兩

縣門廠官房等租因遭兵燹或被焚燒或經圈佔各租徵收無幾業經奏豁應行剔除外其餘各册均據造送茲查

得光緒三十三年分順天永平保定河間天津正定順德廣平大名宣化等十府並遵化易州冀州趙州深州定州

等六州併屬額徵當稅銀一萬八千四百三十五兩內已完銀一萬六千六百一十五兩未完銀一千八百二十兩

又直屬各州縣應解田房雜稅銀二十七萬三千一百八十四兩九錢三釐內已完銀二十六萬八千一百一十兩

八錢八分一釐未完銀五千七十四兩二分二釐又順天永平保定宣化易州等五府州屬應扣師生已完銀八十

三兩三錢六分五釐又天津府屬應扣缺官已完銀一錢七分五釐又順天永平保定河間正定順德廣平大名宣

化遵化易州冀州等十三府州屬應扣文武各官罰俸銀四百二十八兩七錢六釐又徵收通廠木稅銀四千四百一兩四錢六分又順天永平保定河間天津正定順德廣平大名宣化等十府並遵化易州冀州趙州深州定州等六州併屬應徵學田租銀二千七百二兩一錢八分八釐米豆雜糧租穀一千八百四十九石三升九合三抄租京錢六千七百文租制錢六十二千七百文內已完銀二千七百二兩一錢三分四釐米豆雜糧租穀一千八百四十九石二升九合三抄租京錢六千七百文租制錢六十二千七百文未完銀五分四釐又供應過度支部 盛京行糧墊支銀三百八十八兩六錢一分七釐四毫逐款勾稽數目均屬相符據布政使崔永安開具簡明冊單詳請具奏前來臣覆查無異除將冊單咨部外理合恭摺具陳伏乞

皇上聖鑒敕部查照謹 奏宣統元年二月初八日奉 硃批度支部知道欽此

又奏核明北洋陸軍收支餉雜各款摺

奏爲核明北洋陸軍光緒三十三年分收支餉雜各款列爲第六屆報銷繕單恭摺具陳仰祈 聖鑒事竊照陸軍三十二年分收支餉雜各款業經造冊奏銷在案所有光緒三十三年分北洋陸軍收支餉雜自應接續造報以符定章查是年陸軍二四兩鎮一切開支用款前經查明大數繕具清單咨報立案現經逐細核明自光緒三十三年正月起截至年底止原有兩鎮四協十二標步馬砲工輜四十營軍樂兩隊並督練公所兵備參謀教練三處暨軍糧軍械軍醫三局開支餉雜列爲第六屆造冊報銷計舊管不敷湘平銀四十五萬五千一百七十四兩七錢九分二釐五毫新收直隸裁減津練綠營各節餉鹽斤加價均價餘利煙酒稅山東撥解武衛右軍底餉江南撥解自強軍底餉北洋海防經費協撥督練公所兵備參謀教練三處經費津海關道子口稅項下撥補第五鎮三十二年以前不敷餉雜近畿糧餉局撥還前用北洋陸軍槍彈價值及二四兩鎮繳回調撥東三省樂兵自三十三年五月至年底原領餉雜等項共湘平銀三百四十九萬六千一百七十六兩五錢六分六釐七毫除還上屆墊支不敷湘平銀四十五萬五千一百七十四兩七錢九分二釐二毫外本屆實收湘平銀三百四萬一千一兩七錢七分四釐二毫登除撥支東三省陸軍餉雜及河南陸軍不敷餉項等款共湘平銀三十三萬三千五百二十八兩三錢三分應歸各該軍列收造報又除撥支軍火價值及無綫電報經費並建蓋營房案內不敷等款共湘平銀六萬二千八

百九十四兩八錢九分一釐七毫均應分別另案造報外本屆實請銷湘平銀二百九十九萬九千二百九十三兩三錢五分三毫內應度支部核銷銀二百三十萬二千二百九十七兩一錢二分六釐一毫陸軍部核銷銀六十九萬六千九百九十三兩二錢二分四釐二毫實在不敷湘平銀三十五萬四千七百一十一兩七錢九分七釐八毫業經移挪應付應歸下屆滾接造報據北洋陸軍糧餉司道造具清冊詳請奏銷前來臣覆加確核委係實用實銷並無絲毫浮冒除分咨查照外理合繕具簡明清單恭呈 御覽伏乞

皇上聖鑒敕部核銷施行謹 奏同日奉 硃批該部知道單併發欽此

又奏甄別道員片

再定例道府州縣無論候補試用人員應自到省之日起予限一年詳加察考出具切實考語奏明補用又新章內載甄別年限應自各該員奉差之日起供差一年確實試驗方准出考於差委事實冊送部開具等第奏明留省補用各等語茲查有試用道馬吉森於光緒三十三年四月初三日到省十一月十八日委北洋鑛政調查局會辦計自奉差之日起扣至三十四年十一月十八日供差一年期滿應即甄別據該員造具履歷事實清冊咨由藩學臬三司確實試驗詳請核辦前來臣查該員樸實精明任事勇往堪列優等應留省照例試用除將該員履歷冊並事實冊分咨吏部憲政編查館外理合附片具陳伏乞 聖鑒謹 奏同日奉 硃批該衙門知道欽此

又奏深州牧續綿送部引 見片

再花翎知府銜深州直隸州知州續綿年四十八歲廂紅旗滿洲續麟佐領下進士以主事簽分戶部光緒二十四年補授廣東司主事二十六年 京察二等保送直隸州知州引 見奉 旨照例發往遵例捐指直隸

是年五月到省二十九年奏補深州直隸州知州三十年調署趙州直隸州知州三十一年調署定州直隸州知州三十二年仍回深州本任三十三年 大計保荐卓異經部核准調取引 見據該員稟請給咨前來臣查該

員精明幹練爲守兼優歷任三州向爲多盜之區素稱難治該員於城鄉巡警加意整頓匪徒斂迹地面又安他如學堂工藝等項新政無不認真籌辦次第擴充爲 國儲才爲民興利其行政也尤以慈愛爲本而聽斷又極明允輿情悅服在任五年從無民教齟齬之案尤爲人所難能茲因卓異赴部引 見除給咨外理合詳敘事實附片

具陳伏乞 聖鑒謹 奏同日奉 硃批該部知道欽此

兩江總督端方奏徐州各屬舉辦清鄉片

再查徐州府所屬各州縣界連東皖伏莽素多近因山東曹州等處辦理清鄉該盜匪等遂以徐屬爲逋逃藪疊經嚴飭地方文武設法偵緝先後拿獲著匪谷長學楊三郎景辰等及要目多名審明懲辦性夥黨在逃者尙衆並聞各處不少窩匪之家亟宜趁此舉辦清鄉以爲一勞永逸之計茲經飭派署徐州道袁良爲督辦署徐州鎮總兵楊慕時統領徐淮巡防馬步各隊前署九江鎮總兵陳煦亮爲會辦徐州府知府田庚爲總辦江蘇候補知府吳憲奎爲坐辦江蘇候補知府樊溥霖爲提調均兼巡防營務處仿照曹州清鄉章程設立總分各局選派得力員紳先從銅山縣沛縣清查入手以嚴拿著名盜匪查究窩匪爲要旨遞推豐碭蕭邳宿唯六屬次第切實辦理所需清鄉經費先由正任徐州道袁世廉捐錢二千串財政局撥銀五千兩藉資開辦惟不敷尙鉅卽飭由江甯藩司財政局各半分籌撥給以應要需奴才仍當嚴飭該鎮道府委員等實心實力妥速辦理務使匪患盡除以仰副 朝廷綏靖地方之至意所有徐州各屬舉辦清鄉緣由謹會同江蘇巡撫臣陳啟泰署江北提督臣王士珍附片具陳伏祈 聖鑒謹 奏宣統元年二月初九日奉 硃批知道了該督卽嚴飭所屬各官妥速籌辦欽此

公牘錄要

督憲楊據提督漢納根稟請將滕俊龍送入礦務學堂肄業札飭京奉鐵路局查照文

爲札飭事據提督漢納根稟稱前在旅順辦理砲台工程有隨員千總滕福祥隨同辦理砲台各工深資得力迨光緒甲午適中日交戰當蒙李文忠公派提督往赴朝鮮該弁隨同前往在高升輪船陣亡該故弁家屬有妻子二人當由提督按年養贍以資度日至光緒二十八年該故弁之子名俊龍年已及冠提督將其送入普通中學堂肄業計有三年考試頭等學生提督復將該生送到井陘礦務局隨同礦師實習礦學復有三年開挖煤礦之事皆知而該生實屬聰明過人核其程度甚優茲擬請大帥恩准將該生送入唐山礦務學堂肄業課以礦務專門之學俾該生得有文憑以資深造而育人材皆出自格外鴻施之至意除將該生年歲籍貫另單附呈外是否有當伏乞迅賜批示祇遵等情到本大臣據此除批據稟已悉所請將故員滕福祥之子俊龍發入礦務學堂肄業能否照辦候飭

京奉鐵路局轉知開平礦務局查核具覆飭遵繳掛發外合行札飭札到該局即便查照核覆

甯河縣孔令憲邦稟蘆台鎮各商號公議禁煙章程文並批

敬稟者竊思鴉片煙流毒已深國計民生兩有妨碍現時奉 飭切實嚴禁實正本清源之要圖亦即轉弱爲強之樞紐伏查卑縣所屬蘆台鎮地當孔道火車往來商號林立行旅如梭糧行賈客尤夥則查禁商界吸食尤宜格外注意惟卑職簿書鞅掌事務紛繁深慮難免疏忽自應邀集紳董同辦方昭周密當經分派巡警稽查員韓光第及商務分會會同辦理禁煙事宜並諭令該員等務須認真稽查毋得虛應故事扶同徇隱去後茲據該員韓光第擬送查禁商界吸煙章程八條前來查該處衆商號於未禁煙之前每多設煙供客視同應酬沿爲故常此風若不設法嚴禁恐該處煙害難以淨絕現據公議查禁尙知恪遵法度且各商號積存及嗣後外客自帶土膏均須售與土膏店並由巡警隨時嚴查違章卽行罰辦所議尙無不合似應准其暫行辦理除仍由卑職隨時查察勿稍鬆懈外理合將蘆台各商號公議禁煙章程開具清摺稟送 大帥查核立案肅此具稟恭請 勛安伏乞 垂鑒

今將卑縣蘆台鎮各商號公議禁煙擬定應禁違禁辦法暫行章程各四條 一凡各商號不准設立煙具共立吸

煙公地一處如甲號吸煙爲乙號查出不得徇情敷衍當卽告知警局或商會切實查禁 一凡外客吸煙必須到

警局領行旅小票後方准入吸煙公地如外客自帶土膏急速到警局掛號違定章賣與煙店不得隱匿 一凡各

商號如有積存土膏務早聲明按市價賣與土膏店勿得隱匿不報暗供外客 一凡查禁禁煙巡警准在各商號

隨時嚴查各商號不許藉詞攔阻致生事端 一凡各商號如有私設煙具或暗中開燈者一經查出議罰如甲號

吸煙乙號明知不報互相瞞隱者彼此同罰 一外客吸煙或無票在吸煙公地或有票在他處一經查出議罰

一凡各商號如有積存土膏隱匿不報或私行售賣或留供用外客者一經查出議罰 一查禁禁煙巡警如私行

受賄借端索詐或挾嫌栽贓者一經查明送縣懲辦 順天府尹批示遵辦繳

督憲楊 批稟摺均悉所有議禁商會吸煙章程是否可行仰禁煙總局飭候 懷來縣王令忠稟遵飭禁種煙苗并令民間改種靛麥文並批

敬稟者竊於光緒三十四年八月十八日奉禁煙局憲轉奉 憲台札開以查冊報各州縣轄境栽種煙土地畝爲

數甚鉅其不認真勸諭滅種不問可知實於禁煙前途大有阻碍令卽一律嚴行禁絕明年不准再有寸草等因奉此遵卽乘民間尙未下苗之際迭經出示曉諭陳以利害凱切嚴禁在案惟查卑縣僻處山陬地瘠民貧甲於他屬自昔准種罌粟以來民間因其利厚靠此營生者實繁有徒今若驟然禁絕不爲籌一利息相埒之物令其改種則不特陽奉陰違有名無實且恐蚩蚩愚氓利之所在阻力橫生流弊不堪設想卑職思患預防一再籌思惟藍靛之利可敵罌粟又可栽於麥地隙處仍不失麥禾之利益且與卑縣鄰近河渠地脉潮濕之處尤爲相宜卑職隨查照劉漢紳種靛實驗并泡製各法演成淺近白話告示遍諭鄉民令其一律改栽靛麥并諭飭各紳董輾轉勸諭一面飭傳各鄉保地戶切實開導幾至舌敝唇焦幸各紳民尙無始終頑梗願遵照禁令購運籽種改栽藍靛麥禾決不再種罌粟并投具永不栽煙土切結卑職尙恐民間陽奉陰違現今罌粟苗未放尙無實據擬俟春融由卑職親詣四鄉嚴密履勘如果地有寸苗卽將該地充公該堡鄉保帶案重辦惟地主擬暫免究以免輾轉擾累如此庶可探本窮源既符禁除盡絕之旨而民不擾復與 憲台爲民造福之意不致有負矣所有卑縣遵飭禁種煙土令其改栽靛麥緣由是否有當理合馳稟 大帥查核俯賜批示祇遵實爲公便

督憲楊 批據稟禁種煙苗議令民間改植藍靛等物所辦甚是仰禁煙局核飭隨時認真查察勸導以符禁令而裨生計繳

山西諮議局籌辦處照會各處催辦員文

爲照會事照得本處因籌辦選舉及自治講習等事悉關要政未便任各屬久爲耽延特詳明撫憲除省內僻遠之區須派專員前往催辦外其餘各屬卽由各區議員公推在籍士紳作爲本處催辦員分任催辦之責以期迅速而免貽誤已蒙撫憲嚴札各屬應將此次自治講習所首先遵照通飭章程尅期籌設並一面多設宣講所宣告簡明辦法以植其基至一切選舉大綱 奏定章程內已備載現又商准諮議局籌辦處將一年期內何事應於何時辦成分期排定清單由處通頒各屬尤當迅速挨次預備依期告成如至臨時貽誤大局本部院尙不能當此重咎何況各屬惟有秉公一併從嚴懲處等因在案是各區分派催辦員用資贊助尤爲現在當務之急茲悉貴紳義務熱心素洽鄉望卽就貴所屬協同地方長官速行催辦則選舉及自治講習事宜自必漸臻完備所屬催辦通則期限

清單等件合亟隨文移送務望於文到之日迅將文內應辦各事核實辦理並將催辦情形於十二月十五日以前一律詳報本處以備查考爲此照會貴紳希即知照望速施行

文告錄要

督憲批示錄要○東路廳林丞際平申送初選舉名冊由 批申冊均悉仰諮議局籌辦處查照飭知抄由批發○保定府王守守堃詳防禦文成等不符選舉資格請刪除由 批據詳已悉仰諮議局籌辦處查照刪除繳學台批示○直隸師範學堂畢業生吳孟勳稟據實陳明懇改派等情 批該生去年曾經委充高等小學教員既云未見委札想係驛遞之誤至今年該堂教員另派之故係因該州指請他人非因該生未得札委遂不令其接充據稟前情仰即回籍靜候改派抑或自行另圖可也

直隸警務處批示○新河縣巡官趙建功稟請辭差一案 批稟悉旋據該縣稟稱該巡官勤慎和平辦事尙妥仰仍照舊供職加意整頓以維警政此批○新河縣保長白德新等稟請另派巡官一案 批據稟已悉已據該縣查覆趙巡官建功辦事認真並無違章之處所請另派巡官一節碍難照准此批

津浦鐵路北段總局批示○商人趙步洲等具稟攬辦灰石由 批據呈攬單承辦灰石等料查此項早經開標該商既未投票於先此時徒落人後所請著毋庸議此批○吳鴻等稟爲陳唐莊碼頭起卸料物請發執照由 批據稟已悉仰該村正首事等公舉妥實可靠堪充夫頭之人出具保結尅日來局並妥擬章程以憑核辦此批

電報錄要

路透電○英國下議院現在議定養老銀共九十一萬鎊此數較起初三月所定者加增十分之八

又電○英政府現派駐那威使署頭等書記官麥利爾氏爲駐華參贊官又派駐西班牙公使魯布洛德氏爲駐日本參贊官

又電○據駐澳洲首府訪員報告奧議院各員提議將添設陸軍參謀處問題議妥并將所有各員均由澳政府直接管理

紐約電○華盛頓電云美國新總統戴夫德氏現將新內閣組織妥協克納斯氏充首相兼外部大臣懷德院充兵

部大臣威克斯漢氏充總律師兼執法大臣赫士庫克氏充郵政大臣巴林智爾氏充內務大臣威洛森氏充農務大臣希理克氏充財政大臣尼智爾氏充商務大臣

東京電○韓國內務大臣宋秉俊氏辭職韓政府已派朴齊純氏爲內務大臣

新政紀聞

政治

函請發給議董兩會經費○天津縣董事會致督辦工巡捐局函稱敬啓者捐務科應發董事會每月經費銀一千兩已經照行在案惟議事會議定兩會職員等支領薪水須於每月初十日一律發給應請捐務科查照前因於每月初十日前照領發發以符定議茲特備具鈐領呈請飭知捐務科將此項二月份經費銀一千兩正如數發下以資應用實紉公誼肅此祇請勸安

沈陽擬辦自治研究所○江蘇沈陽旅學甯滬等處法政畢業諸君陸續回籍深以地方缺乏政治思想恐於立憲前途進步未能神速爰與本地教育會諸君商辦地方自治研究所講求法制以爲實行地方自治之預備教育會長及駐會辦事各員均極贊成先由教育會發起稟請地方官申詳立案並議籌款補助該所即附設於教育會內以節經費大約初選舉投票事竣後即行開辦

頒發調查選舉辦事期限清單○江西諮議局籌辦處以各省諮議局奉 旨限本年九月初一日成立現在爲時促迫所有調查選舉等事所需時日不能不量爲短縮以便尅期告成現由該處考察本省地方情形就原定章程酌量變通擬定調查選舉辦事期限清單業已印刷成帖頒發各屬遵照辦理矣

頒發自行投審單式○川督趙次帥以川省差役動行藉端需索民不堪擾特製各種自行投審單式頒發各屬通行如有控訴經官批准即發此單交原告給地保通知被告自行投審以免差擾而省訟累

學務

四郊小學擇地開辦○兩淮運司趙渭清都轉撥外銷閒款一萬兩每年生息約一千數百元創辦郡治四郊半日學堂午前三時午後二時課以講經國文習字珠算額設壯丁三十名幼童三十名昨已由教育紳士周君毅人

等會議分設八區東路凹子街萬福橋西路廿四橋七里甸南路擋車樓三汊河北路買賣街槐子橋教員一人每月薪水八千文堂中支用四千文業已支配妥當據實稟覆聽候核辦云

法政講習所行將畢業○江蘇鎮江法政講習所總辦陶樸青觀察現奉督院札飭該所各生自開辦以來一切常川開支均陶道一人墊用熱心公益良堪嘉尚江甯法政學堂甫經開辦人數寥寥仰卽轉飭該所限於二月杪一律畢業以憑申送觀察已轉飭該所遵照矣

勸學所選舉學員○江蘇松江府青浦縣勸學所於正月十三日開選舉會視學員葉君其驥已就教員之職當衆自辭遂由學界投票舉定前視學員錢君學乾復充此職其教育會亦於十四日開會由會員舉定方君存純爲會長聞卽日當請縣申詳云

電請補助教育總會○湖南紳學界黃紳忠浩等上蘇撫陳中丞電云湖南教育總會設立年餘不獨擬辦各事未及舉行卽會所已撥有基地亦未及建築非亟籌鉅款以作基本則教育難期發達但此項基本金僅就湖中補苴籌措殊屬爲難伏思我帥素抱熱心維持學務桑梓教育所繫必蒙玉成茲由同人公推熊道希齡爲代表面陳一切務懇籌賜鉅款俾得觀成全湘學界胥仰大德

財政

節省財用之政策○江督端午帥以江南財政空虛入不敷出爲數甚鉅先將本署幕府裁減數員並決定將通省各局所裁併陶汰冗員至學堂總辦監督提調監學庶務各員亦擬大加裁汰或歸併或酌歸學司管轄或由學司派委本署各科科長兼管云

贛路勸股會籌辦銀行○江西鐵路勸股會爲高等農業學堂監督龍之溪孝廉等所組織宗旨本與南潯鐵路相反惟馮中丞意欲與南潯路工融爲一氣以所勸路股首先接濟南潯以達路工收效之目的現龍君擬先籌款四十萬金在省開辦興業銀行一區以昭信守而立基礎仍仰馮中丞之意旨首先接濟南潯路工現在訂定辦法四條函商南潯鐵路公司坐辦總理劉浩如觀察矣

民事

函述佔地種地情形○天津縣董事會致津海關道函稱敬肅者案查董事會辦理海河裁灣取直淤地招租事宜前因議事會移交據李家樓等村蘇兆澗等呈遞說帖陳述海河工程局種樹佔及民田各節經會員往查李家樓桃源沽小辛莊一帶淤地均被海河工程局栽種榆柳樹多株本年正月初六日該局復出告示云前在第三段廢河石○以內栽種小樹現擬通裁等語按該處廢河及兩岸淤地早經李家樓等村民在縣署聲明認墾納租充勸學所經費其餘淤地亦經地方官移交董事會收租充自治局經費在案該工程局何得率行佔地種樹致礙墾種當於本年正月十六日備文申請知照該工程局聲明前項辦法令將所出告示撤銷並催其將所種樹株一律移淨以便墾種等因在案迄今多日未蒙賜覆惟值春耕種期近又屆徵收春季租款之時似未便久延懇祈查照前申各情知照該工程局迅為照辦見覆仍希將覆到情形示知不勝禱盼云云為此備函肅此祇請勸安仰維垂鑒

查出未領牌照吸戶○直隸禁煙總局查出新河縣未領牌照各吸戶姓名計奏同肅韓洛兆霍衡山韓金燧宋樂等一百四十一名

札屬限制販運土膏○江督端午帥通飭各屬云照得本部堂前次會同撫部院訂擬江南變通禁煙章程並財政局巡警局自治局會詳土市公行零售土店執照營業稅章程辦法先後通飭遵行在案惟查變通禁煙章程內第二條土市公行之設示以限制本係為稽查土藥銷數起見即如該條內辛款項下所言凡土市公行既領有執照准其出境販運煙土若外處客商來江南地方販運煙土者亦歸公行發售不准私向鄉戶及他店零星收買其未領公行營業執照土膏各店祇准向公行批發躉售不得私行出境販運並不得接受外來大宗販運土膏貿易均專指中國土藥而言進口洋藥無涉但洋藥雖不在限制販運之列其販運銷售者亦應將每月購數銷數若干分別報明該管衙門局所以便稽查所銷土藥之實數茲特於該章程第二條各款以後另立專款聲明以免誤會而固邦交除分別咨行外合行札飭札到即便轉行所屬一體遵照辦理

杭省禁煙實行調查○浙省巡警總局與禁煙公所司道會議禁煙政策以現在煙館雖已禁絕各土膏店仍限制減少原以略寓體恤不肯遽絕其營業現在各土膏店售賣如故吸戶亦無從查得確數故擬刊刻執照議定即當實行先行委員挨查註冊以便頒發執照吸煙未戒者持照往各膏店逐日購買不准加多只准減少限日減盡先從省城辦起再議推廣如此於限制之中仍寓體貼之意此議不日可以實行

管理表

名稱 目標 原產地 封根法 灌溉 放封期 刈穫收實

石刃柏 歐洲南部 前十月初旬封起至春日每撒芽一次封一次 砂土馬糞 春日五日一次 夏月十日一次 採芽四次後將封土平於溝內任其生長 九月末刈穫

狀態表

名稱 目標 本圃栽培 栽培期 畦幅及株間 採收期 採收量 芽量 採芽後株長

石刃柏 一分地 宿根 畦幅 三尺 株間 二尺五 初五 三月十二日各一次 四次共芽 二十六斤 平均粗徑三寸 叢生如薈八月子熟紅潤如珠

一除蟲菊 考日本自得有此種植物界受莫大之利益蓋此菊有殺蟲之功用為農家不可不備之品原分紅白花二種前時屢次試種皆因邊地弗良毫無效果今祇取白花者試驗栽培成蹟雖不甚佳已自可以開花要當

逐漸改良以餉農界安敢以此自豐乎謹將本年栽培情形列表於左以供研究

管理表

名稱 目標 原產地 播種期及法 移栽期 距離 灌溉 耘鋤 留根法

除蟲菊 日本 去年三月 溫床撒播 三月初一日 一尺許 七日一次 全上 擬於十月間半用葉蒙半埋窖內

狀態表

名稱 目標 種類 本圃栽培 花間期 取用法 摘花法 收花量 收穫量 收穫期及莖葉量

除蟲菊 白花種 宿根植物類 二 畦 四月二十日 一畦留種 一畦摘花 每早摘取 十二兩 八兩 七月二十日 刈獲十二斤

附除蟲菊製造及使用法於後

當花蕊未綻之時摘下陰乾搗為極細末可以藥死各種害蟲(按洋行所賣之臭蟲立斃藥即此菊也)用法或趁朝露未晞直撒於被蟲害之植物或先用酒精將花粉調勻次用水稀薄之以細小唧筒噴撒於被蟲害之植物上

一覽表文

四川商務局詳成都總商會籌辦勸工場請先立案以便營建文

初六日

郵傳部咨各省報災電報應准酌用暗碼文

廣平府劉守中度稟覆鐵路失事飭屬派撥巡警分段

看守文

天津縣議事會為海河淤地招租移請天津縣查核文

又為控告賴地一案移請審判廳查卷核議文

署奉天義州金牧莪經創設工藝女學堂呈請督撫兩

院立案文

初七日

督憲楊准農工商部咨查獲鹿縣紅山開礦事札礦政

調查局照辦文

吉林提法司詳覆督撫兩院劃分司法行政權限文

晉撫寶准度支部咨催趕解協餉札飭藩司照辦文

晉學錫札飭各學堂購買商務印書館教科各書文

初八日

督憲楊准民政部咨催查報民數札飭藩司查照文

獻縣呂令調元稟該縣糧價騰貴籌款購糧平糶請飭

局撥款文

吉林自治局商務局會詳請轉飭各屬舉辦地方稅情

形文

河南提學司會同官報局詳遵飭核議改編白話報情

形文

初九日

郵傳部札飭電政局贖電將竣其未繳各股准予寬限

儲款候領文

藩學臬三司詳覆灤州改擬代書呈費分充工藝女學

經費礙難照准文

薊州黃牧行簡稟州境薊運河西岸堤埝漫決現飭搶

修及低窪各村田禾被水大概情形文

吉林提法司詳為吉林省城各級審判檢察廳業已成

立請奏咨立案文

初十日

陶道湘稟遵飭查驗北運河工程文

深澤縣孫令毓琇稟糧價昂貴請派員運糧平糶文

十一日

督憲楊准學部咨覆高等小學堂畢業獎勵分別准駁

札飭提學司查照文

直隸賑撫局稟懇督憲轉請展限平糶文

豫撫林札統稅局劃撥本省土藥稅則銀兩文

十二日

礦政調查局詳查覆職商修築運煤鐵路情形文
承德府管守廷獻詳覆會勘直熱礦界情形文

十三日

督憲楊准東三省督撫咨第三鎮給假退伍日兵請飭
經過地方照料札飭各屬遵照文

鷄澤縣馬令長豐稟文明溝工程業已驗收所有出力
員紳擇尤請獎文

香河縣汪令忻稟加捐狀紙充作模範小學堂經費文
江甯江蘇提學司會詳遵飭核明江蘇僧教育會章程

重行釐定開摺呈請咨部立案文

十四日

督憲楊通飭各局處所裁汰冗員文

棗強縣李令盛鑾詳學界舉行觀摩會情形文

江甯提學司札飭甯防學務歸甯屬議紳贊助無庸添
設議紳文

河南提學司詳報撫院設立教育官練習所擬議簡章

呈請咨部立案文

十五日

天津縣議事會申學台劃清議董兩會與勸學所權限

辦法文

又移天津縣請發丁糧規則文

玉田縣教育會長劉榮第等稟學台傳習塾師人數考
列等第文

長垣縣田令鴻文稟學台王訓導炳文編輯禁煙大略
可否通飭仿辦文

十六日

督憲楊准農工商部咨農事試驗場開辦博物館請飭
各屬訪求彙齊送部札飭農務局遵照文

天津縣議事會移天津縣照章遞補議員文

又移天津縣充公地價請示期支領文

灤州勸學總董劉蘭圃稟學台按區開辦傳習所情形
懇祈備案暨登雜誌官報文

十七日

提學司詳請援案奏留內閣中書易恩侯七品小京官
黃立猷仍留該兩堂各充職任文

提學司詳送游學畢業王雙歧等九名赴京考試文

天津縣議事會申天津府請交義地圖冊賬目文

甯津縣雷令澍稟教養局添招工徒請示遵文

十八日

督憲楊准郵傳部咨轉飭井陘礦務局將來如修運煤
鐵路及運煤運價應須由部核定與各幹路路政無

礙方准照辦文

欲為諮議局議員者臨

總發行所 上海商務印書館分設
京師 天津 太原 成都 漢口 福州
奉天 濟南 開封 重慶 長沙 廣州

今年九月各省開辦諮議局 議員責任綦重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

天津商務印書館廣告

◎普通政法書 法學通論七角 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典 封面五角 法規大全解字四角

◎憲法書 政治學及比較憲法論二元 憲法研究書一元 憲政論四角 日本憲法義解三角 本預備立憲過去事實五角 立憲國民讀本三角

◎議會書 日本議會法規四角 議會政黨論五角 十六國議院典例一元 日本議員必攜八

◎地方自治書 自治論七角 歐洲大陸市政論一元 地方自治財政論五角 地方自治淺說三角 此外政法書 之尤重要者 日本法規大全

◎法律 有則日本法原論二元 六册定價 嚴復

◎政治 有則列國政要三十二册 政治學一元 那特經政治學四角 政治汎論一元二角 萬國國力比較二元五角 嚴復

◎社會通詮一元 嚴復羣學肆言一元 嚴復羣己權界論八角 財政 有則經濟通論七角 理財新義二元 英國

◎度支考四角 國債論三角 計學教科書一元 理財學講義四角 計學淺訓五分 教育 有則日本明治學制沿革 史五元 歐美教育實際二元 德國學校制度四角 警察 有則警察講義錄十五册 雖卷帙較繁 議員苟有餘力而兼治之 則受益無窮矣 尚有諮議局章程箋釋四册 諮議局章程要義五分 諮議局調查須知五分 諮議局選舉須知一角 諮議局章程表解三分 尤人人所必讀 無待贅言也 (河北大胡同電話五百二十六號)

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東携帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 三岔河口玉皇閣本公司總理處
 北京 保定 上海 漢口 唐山 張家口天津分銀號

同啟

啟新洋灰有限公司舉行股東會議

敬啟者本公司現屆第二次派利謹擇於二月十六日下午二點至六點鐘舉行股東會議設海大道英租界本公司總理處務祈有股諸君於是日未刻惠臨集議為盼
 本公司謹啟

京師自來水公司提前付給官利廣告

查本公司定章二月會議三月付息原為年終結賬盈餘紅利諸待核算現在創始工程正在開辦股東會尚未成立且未開市售水並無紅利可結現蒙直隸督憲按照奏案籌撥官款保息以昭大信業已如數撥到爰將各股東自交股之次日截至光緒三十四年底所有應得八釐官利提前付給茲特與天津門外天津代付官利辦法凡各股東有願在京城取息者不論當年初係在本公司交股或在原埠交股均可到東安門外掛號聲明以便知會願在外埠原交股處取息者聽惟此埠股東或願改赴彼埠取息者須預先一個月到原埠掛號聲明以便知會指之處屆期照付免致不能接洽現定京城自正月十六日起各交股處倘有未經換取者請股東持收條迅速往換附各該處支取息銀特此廣告再所有股票業於年前分寄各交股處倘有未經換取者請股東持收條迅速往換附以奉聞

付利處天津銀號住址

北京東安門外
 天津北馬路
 張家口下堡大新店內
 上海北市後馬路興盛棧內
 漢口永甯巷上首胡同昇首飾店對過
 唐山大街路南
 保定北大街

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰足敷主顧購用尚有製造
 考驗拉力結力俱高出外洋之貨且機器加大出灰足敷主顧購用尚有製造
 之缸磚花磚灰瓦水溝管管子等項無論躉零交易均可本公司總理處
 設在天津海大道英租界先農公司對面並設於北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

大小皮包法國洋號

本行開設天津上海香港志呢華海參歲等處均設立有年諸班貨物由外洋本機器廠自造砧
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
 鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
 大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本
 行面議可也
 本行主人啟

林祥元記 緞洋貨

本號開設（北京前門外鮮魚口）（天津估衣街中間路北）（山東濟南府院西路北）等處
 自置綢緞洋貨願繡絳蟒花素貢絨絳緞各色抖蓬哈噠厚呢以及京廣什貨織絨綫貨各色
 俱全貨高價廉劃一不二中外紳商賜顧移玉是幸
 瑞林祥元記具

京奉鐵路局廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格
 外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽
 每人收車脚洋二元另印專票交由該站長公司售賣並飭不准額外需索惟此項買票搭車之人必須實係小工
 不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如
 查有冒混或半路輾轉售票情事輕則照章究罰重則送由地方官懲治其各凜遵特此廣告

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

河北密窪實習工場招徒廣告

本場擴充科目須招官費工徒如願投考者准於前二月十一日起來場報名至閏二月初一日即行結止初五日早八鐘在本場考試此佈

天津河北密窪實習工場白

保定法政學堂續招自費學員廣告

以文理明通身體強健確無嗜好年在四十以下之各省舉貢生監及候選人員為合格本省候補人員另由 各大憲考送不在

此內
 遵照學部奏定法政學堂別科章程三年畢業
 遵照學部奏定法政學堂別科課程辦理
 遵照學部奏定法政學堂別科畢業獎勵章程辦理
 每年按月收學費洋銀叁圓分兩期繳納均於開學之先繳齊不
 在堂食宿操衣靴帽由堂代辦由學生備價有能照式自辦者聽
 入堂之先外省人取具同鄉官保結本省人取具確實舖保並繳
 保證金二圓
 自二月初五日起在保定藩署本堂報名隨帶四寸像片一張自
 書姓名於上無像片者概不收考限本月十四日截止十五日考
 試

急告

開市到七年紀念少算八扣

竹材傢俱屏風
花簾東洋花

天津日本租界旭街

澤洋行

自正月十九日至二月十八日間

電話三百五十號